



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis**

Antehac Ex Probatis Auctoribus breviter concinnata

**Busenbaum, Hermann**

**Coloniae Agrippinae, 1713**

Q. 125. Quale propositum requiratur in Confessione venialium.

**urn:nbn:de:hbz:466:1-42624**

vendi. R. 2. Sufficere desiderium seu volitionem efficacem cavendi omne mortale, quam potest habere, quamvis ex parte intellectus adsit alius actus, quo iudicat, vel etiam ex parte voluntatis timor, ne volitio illa desinat, nam etiam ideo debet pro auxilio recurrere ad Deum, cuius gratia iuvare potest infirmitatem nostram, sicque poterit erigi etiam ad spem aliquam de hoc, ut si Dei gratiae cooperetur, non relabatur, & ista sufficiunt ad propositum efficax, id est, tale, ut quamdiu existet, cum ipso impossibilis sit voluntas peccandi.

902

Q. 125. Quale propositum requiratur in confessione venialium. R. §. 1. Requiritur aliquod propositum, certum est, quia requiritur dolor de aliquo saltem veniali confessio, omnis autem dolor est aliquod propositum cavendi peccatum, de quo est dolor.

903

§. 2. Cum dolor sufficiens ad Sacramentum debeat esse efficax respectu alicujus peccati confessi, uti dictum est n. 668., propositum debet esse efficax saltem respectu unius venialis confessi: unde audiendus non est *Suar. De gratia l. 7. c. 24. n. 7.* ubi videtur dubitare de hoc, an ad remissionem venialis requiratur propositum efficax.

904

§. 3. Quamvis probabilius sit sufficere propositum virtuale, tamen secundum dicta num. 895. debet in praxi elici formale, ne Sacramentum exponatur periculo nullitatis, quando enim Concilia & Authores dicunt ad Sacramentum Pœnitentiæ requiri dolorem cum proposito, non distinguunt inter confessionem mortaliæ & venialiæ: nec aliunde sufficienter colligimus non debere hoc extendi ad confessionem etiam venialiæ.

§. 4

§. 4. Non requiritur propositum extendens se ad omnia venialia, quia secundum dicta n. 681. non requiritur dolor de omnibus venialibus, quæ quis confitetur, ergo nec propositum cavendi illa omnia, sed sufficit propositum cavendi saltem aliquod illorum, de quibus dolet, & rationes ibi sunt sufficienter insinuatæ.

905

§. 5. Præter propositum cavendi aliquod veniale ex confessis, de quibus dolet, fortè etiam requiritur propositum cavendi omnia mortalia, seu non peccandi de cætero mortaliter, quia qui suscipit Sacramentum, vult gratiam de se reconciliativam, quæ sit forma amicitie divinæ de se perpetuæ, ergo vult non esse aversus, nec inimicus Deo, ergo vult servare impossibilem omnia ejus præcepta obligantia sub mortali, ergo vult nullum mortale committere, & hoc re ipsa est propositum universale cavendi mortalia.

906

Q. 126. An & quomodo in praxi elici possit propositum cavendi omnia venialia. R. Difficultas hic est non parva. cum enim non possint caveri omnia, nisi, uti habet *Trid. sess. 6. can. 23.* ex speciali Dei privilegio, quod nemo sibi spondere potest, Authores variè loquuntur de hoc proposito cavendi omnia venialia, nam

907

I. S. Th. 3. p. q. 87. a. 1. ad 1. dicit ad pœnitentiam venialium sufficere, quòd homo proponat abstinere à singulis, non tamen ab omnibus. Non est autem sensus, quòd requiratur propositum abstinendi ab omnibus distributivè sumptis, hoc enim esset propositum abstinendi à collectione omnium, sicuti qui vellet occidere omnes homines distributivè sumptos, vellet re ipsa tollere totam collectionem hominum,